

Zirlai, hna zawng mek leh hna-thawh mek te tan Hostel fai leh thiangleim, ei leh in tuihnai, tui hniangleim, free wi-fi, two wheel-er free parking awm thlap, thlenin mamawh tan pawh man tlawm tein a thlen theih bawh e.

Rainbow Hostel
Y-131, MZU Road,
Luangmual, Aizawl
Ph. 9436140576 / 7005598481

The Aizawl Post

RNI Regn. No. MIZMIZ/2003/12043 Postal Regn No. MZR/56/2018-2020

Dream final : Spain vs Argentina
Pa 3-na inchuh tur England leh France
P-7

A zan ruk nan US-in Iran kap
leh, Iran pawhin a chhang
P-4

Lionel Messi & Antonela Rocuzzo
private love story
P-8



The Aizawl Post
Office : G-7, Chanmari,
Aizawl; Mizoram
796 007
Ph: 2341869
Website:
https://theaizawlpost.org
e-mail :
aizawlpost@rediffmail.com
theaizawlpost@gmail.com

Circulation Manager
7005598956

VOL. XXV NO. 175 AIZAWL, INRINNI, JULY 18, 2026

A man: Thla khatah Rs. 200

Mizo hnam chhan ngam lo zawngin thil kan ti ngai lo

- K Vanlalvena



Member of Parliament a nih chhungin Mizoram leh hnam chhanna atan theitawp an chhuah thin a, central hotute laka tlaktum loh hlahv vangan hnam chhan ngam lo zawngin thil an ti ngai lo tih K Vanlalvena chuan a sawi.

Rajya Sabha MP K Vanlalvena hian thuthar thehdarhtute a kawmnaah, July 19 hian a MP term a hmang zo dawn tih a sawi a. Covid hrileng vangan a MP term tan tirh kum hnih dawn lai MP-LAD Fund sem tur sawrkar laipui atangin pek an ni lo a. Hei mai hi a ni loa, Covid 19 avang hian central atangin state hmasawna tur sum hai chhuah a harsa hle a; chuti chung chuan ram hmasawna tura an thil thlen thenkhat erawh sawrkar laipuiin a ngaihpawimawh sak thin a, a lawm hle tih a sawi.

2020 July 20 atangin MP a ni tan a, MP a nih chhung hian Parliament

Session vawi 17 an nei a. Hengah hian loh theih loh avang a nih loh chuan a kal nitin a, Parliament Session-a a attendance record chu 97% a ni tih a sawi. Parliament Session-ah hian thu vawi 26 a sawi a, chairman phalna in vawi 24 a sawi a, chairman phalna loin Manipur buaina chungehang vawi hnih a sawi tih a sawi a ni.

“Covid hrileng, Assam nena ramria buaina, Manipur-a chi leh chi inkara buaina, Myanmar military coup avang leh Bangladesh Chittagong Hills-a buaina raltlan-te harsatna hrang hrang avangin Mizoram leh hnam chhanna atan theitawp kan chhuah thin. Kan tih theih tam lo mah se, Mizoram state chhung hotute laka tlaktum loh hlahv vangan hnam chhan ngam lo zawngin thil

kan ti ngai loa, chutiang rilru chu kan pu ngai lo,” a ti.

MP LAD fund hman-na hrechhang duh chuan RTI hmangin zawhfi-ah theih reng a ni tih K Vanlalvena hian a sawi a. Covid leng vangan fund hi kum hnih dawn an nei loa, a MP term hun chhung rei ngaihtuahn hmasawna hna an thawh tlem phah chu paw a ti hle tih a sawi a ti.

Rajya Sabha MP ni tura candidate-tu Pu Zoramthanga leh a kai-hruai MNF party leh MLA-te chungah lawmthu a sawi tih sawiin, a phu hauh loh duhsak-na, chawimawina, fak-na hian thintu Mizoram mipui leh, khawvel hmum danga awm Zofate hnenah lawmthu a sawi tih a sawi bawh.

MP a nih chhungin mimal, party leh pawl emaw kohhran emaw hnam emaw pawisawi a nei a nih chuan ngaihdan a dil tih a sawi a ti.

CM Rubber Mission-ah vbch.13 seng tawh

Aizawl, July 18

Mizoroma rubber dehchhuah a tam zawkna atana sawrkarin programme a nei Chief Minister’s Rubber Mission chu district pahnih, Kolasib leh Mamitah kalpui a ni a, tun thlengin cheng vaibelchhe 13 sen a ni tawh.

Land Resources, Soil & Water Conservation hotute sawi danin, CM Rubber Mission hi 2024 December 16 khan chief minister-in a tlangzarh a. Kum 2025 atanga kalpui tan niin, phase I-ah Mamit leh Kolasib district-a hectare 1000-a zauah rubber ching tur progress partner 936 thlan an ni a, rubber tiak nuai 4.5 an phun nghal. Phase I-ah hian rubber chinna atan zau (cluster) 24 ruahman niin, cluster tinah hian a chingtute intelkhawmna - rubber producer society (RPS) din vek a ni a. RPS hi rubber tiak sem zinga a tha lo hnawh theihna

thlengin mawhpurhna sang tak pek an ni.

CM Rubber Mission hi phase hrang hranga kalpui tur niin, phase tin hi kum 4 chhunga enkawl zui tur a ni a. Kumin atangin phase II kalpui tur niin, district 8-ah kalpui a ni tawh anga, ram hectare 2649-ah mi 2580 hnenah rubber tiak sem a ni dawn a, a tiak sem tur hi 1192050 phun a ni dawn. Rubber chingtu hnenah a tiak an pek zingah a nung lo a awm a nih chuan a kum lehah a thlakna tur zaa 10 zel pek theih a ni a, hectare khatah rubber tiak 450 chin tura ruahman niin, pek belh tur chu tiak

45 a ni ang.

Heng bakah hian a enkawl zuina tur sum leh hmanrua engemawzat pek an ni tih sawiin, tanpuina an pek erawh, an tih zawh hnu zelah endik hnu ah pek tur niin, an bank account-ah direct benefit transfer-a thun a ni dawn tih an sawi a ni.

Zawhna chhangin LRS&WC hotute chuan, phase-I ah hian cheng vaibelchhe 13.64 sen a ni tawh a, kuminah vbch. 5.77 hman tura ruahman niin, kum 4 chhungin vbch. 28.97 hman a ni dawn tih an sawi.

He Rubber Mission hnuaiah hian a tiak chin

thar chauh ni lo, rubber kung puitling nei tawhte rubber hnai, a grade tha zawka siamchhuah pui leh a hralhna tur ngaihtuah pui thlengin a huam vek tih an sawi bawh.

“Puihna dawng tawh, puih zui tlak loh an awm a nih chuan, an tawp pui ni ni kha department lamin a tawp pui hun tur a ni dawn a ni,” LRS&WC director Vanlalnuanpuia Chhangte chuan a ti. Kum 2027 atangin phase III kalpui turin an inbuatsaih leh mek a, rubber ching duh, hmalak dan tur hre lo chu department-ah ngaihven theih reng a ni tih a sawi.

Kalphung thar hmu loa insawi hi chuan an hre duh lo lui a ni

- Lalduhoma

ZPM sawrkar hnuaia kalphung thar tam tak a thlen mek lai a, kalphung thar hmu lo nia insawite hi chuan an hre duh lo lui a ni tih chief minister Lalduhoma chuan a sawi. Zirtawpna East Lungdara Hrangturzo bial ZPM East Block Conference nei a hmanpuinaah chief minister chuan, an sawrkar chak chhan ber zing ami chu kuthnat-hawktute dawmkan a ni a, sawrkar kalphung (system) an thlak danglam a tam lutuk a, darkar tam fe sawi daih a awm, tiin, “Kalphung thar ka hmu lo, titute hi chuan an hre duh lo lui a ni,” a ti.

Kuthnathawktuten rate hre sa in thlai an ching dawn tia an lo sawi tawh chu a thleng dik a,

thlai chi 5 - sawhthing, aieng, hmarcha, hmunpiah leh buhumah kan hmu tih a sawi a. Thlai

dang pawh la tih belh zel an tum tih a sawi. “Sawrkar kalta atanga a thlawna sum sem ang ni (p-2-ah chhunzawm...)”

Zoramah World Cup thli

POST NEWS SERVICE

1986 kha Mizoramin World Cup football tih tak zeta a en hmasak ber tiin a sawi theih ang; a hma pawhin en tawh chu an awm tho a, mahse mipui a huap lo ang. 1986 atang khan tun tum thleng hian Mizoramah World Cup thli a tlel ziah.

Chanchinbu leh TV en la, World Cup hlithlain hmum pawimawh a chang ang a, social media keu la, World Cup bawh. Youtube lamah pawh football kaihnnawih lo channel pawh World Cup lai chuan an World Cup sup a, FTH pawhin World Cup bawh an buaipui, a lar ber nghe nghe mai thei! Fiamthu lamah pawh World Cup a lang thina a nih chu.

Khawlaiah World Cup-a tel ram jersey ha an awm a, jersey hralh hnem thu ringawt pawh hi Mizoram World Cup a tuipuzia tilangtu a tling awm e.

“Jersey hralh a pung a, a tawp lamah pawh zawng an la awm a, a tla tawhte jersey rawn zawng pawh an la awm,” tiin sports thum zuar pakhat chuan a ti.

Jersey zual tur a Mizo Jersey Home te’n jersey hralh a kal thu an sawi a, World Cup an tan hma khan hralh a kal tawh tih an sawi. Naupang, tleirawl, nula leh tlangval chauh ni lovin patling pawhin jersey hi an lei tih an sawi bawh.

Argentina leh Portugal jersey an hralh hnem ber thu an sawi a, mimalah pawh Messi hming chuanna

leh Ronaldo hming chuanna an hralh hnem thu an sawi.

“Portugal hi an tla hma a, chuti chung chuan hralh a kal tho. Argentina hi final an lut bawh a, a tir atangin a jersey pawh hralh a kar ngar ngar,” an ti.

Spain, England, Brazil te pawh a jersey hralh a kal tih an sawi a, Mizote tan hlawh zingah Germany an tlak hma avangin a hralh kal zingah an tel lo nia an ngaih thu an sawi.

Aizawlah chuan sikul tan hun sawn tlai phah an awm chang a awm a, ni tin ni lovin zing karah ram lian an inkhelh changa sawn tlai an awm. Semi final an khelz zawh hnua Aizawla sikul lar tak pakhat chuan Thawhtanni hi chawlhah an puang; Chawlhni zan zanlaiah final hi khelz tur a ni a, “... World Cup final nuam leh hahdam taka kan en tlan theih nan Thawhtanni (July 20) hi School chawlh puan a ni e,” tiin nu leh pate awmna whatsapp group-ah an inhri-attir a ni.

Thingtlangah a huhova en an la uar a, TV awm loh vang pawh ni chuang lova a huhova en an ni fur. Khaw thenkhatah erawh internet a chak tawh loh avangin an en ho a, Sialsirah chuan in pathumah an en ho thin.

World Cup thli lanna pakhat chu TV lam hi a ni awm e; set top box tinung tawh lo mi engemaw zatin World Cup en nan set top box an tinung a, LPS leh Zonet pawt an pung viau mai.

Sports ziaik thin, TV lama football sawi thin Hmingsanga chuan, “World Cup thli hi Mizoramah a tlel ziah a. Tun tumah hian langsar ka tih chu, naupangin an en nasa hi a ni, kum hmasa aiin naupangin an en nasa a, Messi leh Ronaldo vang pawh a ni mai thei,” tiin a ngaihdan a sawi.



SBI PM-VIDYALAXMI SCHEME

Making higher education accessible for every Indian

- No security, no guarantor
- No processing fee
- Interest rates starting at 6.90%
- Subsidy based on family income

SCAN TO KNOW MORE

Other education loan products

- SBI Global Ed-Vantage Loan - For studies abroad
- SBI Shaurya Education Loan - For defence personnel and their wards
- SBI Student Loan - For studies in India
- SBI Skill Loan - For skill development courses in India

For assistance, call 1800 1234 | 2100 or visit sbi.bank.in Follow us on

PUC-in pass thar ho lawmpui

Mizoram University under graduate result-a tih chhuah taka Pachhunga University College atanga zirlai pass tharte lawmpuina chu Zirtawpni khan hman a ni.

Hmanpuitu Higher & Technical Education minister Dr Vanlalhlana chuan, zirlaite chu ram leh hnamin a ko tih hrereng turin a chah a. Resources tha tak tak an neithe hman thiam zir zel a, chu’ng resource chu kalphung changtlung zawk nena enkawl turin a fuih. Khawvel

zau zawka inzar pharh leh hawi chhuak ve ngam turin a chah bawk.

Lawmpuina hlan takte hi BA pass thar mi 401, B.Sc pass thar 209 leh B.Com pass thar 55 bakah BBA pass thar 35, an vaiin 708 an ni a. Zirlai pass thar zawng zawng hi chawimawina thuchei leh thilpek hlan vek an nih bakah huang hrang hranga mimal titha zualte pawh chawimawina hlan an ni.

Kuminah hian PUC atangin exam beitu mi 791 zingah 708 an pass a, zirlai 83 chu hlawhtling zo ta chiah loin, pass percentage hi 89.90 a ni. Kumin result-ah hian PUC atangin rank holder mi 122 awmin, subject topper mi 12 an awm a. Science-ah Laltluangpuii, Physics department chu gold medalist a ni.

Tun dinhmunah PUC-ah hian zirlai 3114 awm mekin, state 13 atangin national students 63 leh ram hrang hrang atangin international student 12 an awm a ni.

Dan loa state sum luangrual thin dannana CM hmalakna chhuang

Dan loa Mizoram sum luangrual thin enfel leh dan kawnga chief minister-in ama department chan atanga hma a la chu fakawm an tih thu ZPM Thalai chuan an sawi.

ZPM Thalai Hqrs. thuchhuak chuan, sawrkarin a kalpui mek Voluntary Surrender of Pension Payment Order (PPO) a hlawhtlin theihnan Mizoram mipuiin sawrkar hmalakna thlawp turin a sawm tih a sawi a. Tun dinhmunah Mizoram budget-a revenue expenditure lian ber pawl chu pensionary charges niin, budget estimate 2026- 2027 ah chuan ‘other capital expenditure’ aiin a sang tawh zawk tih a sawi.

‘Mizoram sawrkar tana theitawp chhuaha an thatlai hun zawng zawng

ram tana thawkten pension an la hi kan lawmpui a, an boral hnua pawh an chhungten dik taka family pension an lak theih hi kan duhsakpui a ni. Hetih lai hian, Finance department chuan pension payment hi Mizoram budget-a expenditure hlawm lian ber pawl a nih chhanah dan dik loa family pension la an tam niin a ngai a ni,’ a ti.

Kumin June 16 khan Finance department Audit Pension Fund Branch office memorandum tih-chhuah, dan diklo leh document diklo hmanga family pension la mekte chu kumin September 30 ralhmaa surrender turin a ti a, sawrkarin huntiam a siam chhunga surrender lo, huntiam ralhnaa Task Force-in dan loa pension la a man chhuah chu hrem

a tum tih sawi thu sawi chhawngin, ‘He OM hi chak zawka kalpui a nih theihnan July 15 khan finance changtu chief minister Pu Lalduhoma hoin state huapin a khuhhawnna hmanin, dan loa family pension la mekten an surrender a tul chhan, a nih lohna tura mipui sum luangrualna a nih dan, corruption a nih dan leh dan hmanga na taka hrem theih a nih zia inhrilhfhah a ni,’ a ti.

ZPM manifesto-a tarlan angin, an sawrkar

tirh atangin corruption doin ke an pen nghal niin ZPM Thalai hian a sawi a. Mizorama project leh contract work-a corruption do let tur State Project Monitoring Committee dinin, tha taka kalpui a ni a, project hrang hranga eirukna awm an hai chhuah mek zel bakah mipuiin corruption kan hriat tlanglawn - contractor, MLA leh sawrkar hnathawkte eirukna ni chiah lo, mipuiin thik thama an ngaih loh leh enliam tam tak, Mizoram

budget eiraltu ni si pawh a enfiah zel dawn tih a sawi. Huaisen taka sawrkar a kal zel theihnan dikna hailan kawnga sawrkar hmalaknaah NGO, kohhran leh mipuin sawrkar thlawp zel turin a ngen tih a sawi a ni.

‘Dan loa Mizoram budget sum luangrual thin enfel leh chhui kawngah chief minister department chan (Finance) atanga hma a la hi fakawm kan ti a, huaisen taka kal zel turin duhsakna kan hlan a ni,’ thuchhuah chuan a ti.

MNF leh ZPM hrulaituten dawt min hrilh nasa

- ADCC president

MNF hrulaitute leh ZPM hrulaitute mipui dawt min hrilh nasa hle a, hei vang hian mipuiin thudik kan zawna dawt sawi hmange kan hnawl a tul tawh tih Congress hruiatu Lalroenga chuan a sawi.

Zirtawpnia Congress Bhavan-a inkhawmah Aizawl District Congress Committee president Lalroenga chuan Bible-in dawt sawi a duh lo em em tih sawiin, MNF hrulaitute leh ZPM hrulaituten mipui dawt min hrilh nasat awangin mipuiin thudik kan zawna dawt sawi hmange kan hnawl a tul tawh tih a sawi. Sawrkarna chelh turin Congress party an tha ber tih a sawi a. Tunlaiin party thenkhatin sawrkar hmasate development hna thawk miah lo anga thiam taka an sawi chu inbumna a ni tih a sawi a ni.

“Kum 1984-a Pu Lal Thanhawla kaihhruai Congress party kum hnih leh a chanve chhung khan, thil tam tak a tipuitling hman a. Mirethei tan inchung tur rangva tam tak a sem hman a; Land Use Policy atangin mi tam tak a tanpui hman a, thlawhbawk zawng zawnga private school chu deficit school-ah a hlangkai hman. Remna leh muanna thlenna turin chief minister nihna, minister leh MLA nihna, sawrkarna hlu tak chu Mizoram mipui tan an

hlan phal a ni. Kum 1989-ah Congress sawrkar Pu Lal Thanhawla kaihhruai a ding leh a, he sawrkar hian Mizoram hmasawnna tobul zawng zawng hi arawn tan kan ti thei a ni,” a ti.

Dr Ms Swaminathan Research Foundation hmangin India ram hmasawna tur tobul buatsaihah North East aiawhin Committee member-ah Pu Sainghaka a awm pha ve hial tih ADCC hruiatu hian a sawi a. He Committee ruahman angin Mizoram hmasawna bul tan chhoh niin, World Bank leh Asian Development Bank min hmelhriat tir a. Chu’ng chuan bulrawn tan sakin, ATL Road, Referral Hospital, Tuirial Hydel Project, Aizawl leh district capital hrang hranga building pawimawh tak tak, national highway leh rural road chi hrang hrang, Lengpui Airport an thawk tan hman tih a sawi a ni.

“Heng hmasawna hrang hrang Congress party-in a lo thawh tawh kan sawi atang hian, Mizorama party lian pathum zingah Congress party chiah hi thutiama ding nghet, mipui buma dawt sawi ve ngai lo a ni. Mizoramin hmasawna tuantling a neih theihnan Congress party hi mipuiin sawrkarna min pe leh turin ka ngen a ni,” a ti.

CHANGE OF NAME

I, Lalthlamuana resident of Lunglei hereby change my name to H.Lalthlamuana by the consent of the Notary Public.

CHANGE OF NAME

I, Krystalin Laltlansangi resident of Lunglei hereby change my name to Krystalin Laltlansangi Fanai by the consent of the Notary Public.

NOTICE INVITING QUOTATION

Quotation is invited from reputed firm/supplier up to 14th August, 2026 till 10.30 A.M, for supply of Stationery and allied items listed at Annexure.

Details can be had from the Office of The Controller, Printing Stationery Department, Aizawl during office hours on all working days.

Sd/-
(BENJAMIN LALZAMA)

Controller,
Printing & Stationery Department,
Aizawl : Mizoram.

IPR No. 129
(2-1)

No. A.12031/1/2025-HQ(HG&CD)
GOVERNMENT OF MIZORAM
OFFICE OF THE COMMANDANT GENERAL-CUM-DIRECTOR
MIZORAM HOME GUARDS & CIVIL DEFENCE
CHAWLHHMUN, AIZAWL.

Dated Aizawl, the 16th July, 2026

ADVERTISEMENT 2 OF 2026

1. Hna hming : LDC (PE)

2. Hna ruak zat : 3 (pathum) Direct

3. Pay level : L-4 (Rs. 16,920/-)

4. Kum bithliah : 18-35 years (SC/ST tan kum 5 dang ngaih hnathiam) August ni 1, 2026-a kum 18 tling leh hemi nia kum 35 (SC/ST tan kum 5 dang) pel lo an ni tur a ni.

Dil theite :

1) Thiamna : i) HSSLC from a recognized institution.
ii) Certificate in Computer Application / Diploma in Computer Application chin churangam Central sawrkar recognized institution leh Mizoram State Council for Technical Education (MSCTE) recognized institution atanga zirehhuak thiamna.
iii) Typing speed 30 words per minute.
iv) Middle School chin Mizo tawng thiamna.

2) India khua leh tui dik tak.

6. Dilna Form department website atangin download theih a ni ang.
Website Link : <https://homeguards.mizoram.gov.in>

7. Dilna form dakhah sa, document kimchang leh application fee Rs. 150 (SC/ST) tan leh Rs. 200 (General) tan ni **22.07.2026** atangin **24.08.2026** thlang office kaini zing dar 10:00 atangin tlai dar 04:00 thlang Headquarters, Mizoram Home Guards & Civil Defence, Chawlhmun-ah theh luh theih a ni ang.

8. Dilna thehlutte chu uluk taka enfiah anih hnua dilna pawnte leh dilna diklo/pawm lohte chu department website-ah tarlan a ni ang a, dilna dip/pawm te tan pawh Admit Card pek chhuah hun tur leh tuldangte website-ah hian tarlan a ni bawk ang.

IPR No. 130
(3-1)

Sd/- MAJ ZOSANGLIANA HUALNGO
Commandant General-cum-Director,
Mizoram Home Guards & Civil Defence

Lawngtlai district-a dan loa lut leh sumdawng khuahkhirh dan tur rel

Dan loa Lawngtlai district lutte khuahkhirhna, standard operating procedure (SOP) chhawpchhuah leh an sumdawna endik chungchang ngaihtuahin Zirtawpni khan bawrhsap Donny Lalruatsanga kaihhruaiin thuthkawm a ni a, Lai ADC chief executive member C Lalsawmzuala’n a telpui.

CEM chuan, dan loa Lawngtlai district-a lutte chungchanga sawrkar, VC, NGOs leh kohhranten thawhhona tha tak an neih thin chu wawnnun zel a pawimawh tih a sawi a. Thenawm ramte nena insumdawntawn chu thil tha tak a nih rualin, dan loa lo lutte sumdawna kawngah mumal taka inkaihruiana siam a nih loh chuan a ram neituten an tuar thei dawn a, uluk leh fimkhur taka ngaihtuahna sen thiam a tul hle tih a sawi.

Hemi kawnga LADC leh district administration-in thawhhona tha tak an nei tih sawin, tha taka thawhho leh hma lak ho a tul a, a bikin ramria duty Assam Rifles mawhphurhna a sang hle a, mipui himna hriaa an theih chin

china lo fimkhur turin a ngen tih a sawi a ni.

Bawrhsap pawhin, sawrkar laipua Ministry of Home Affairs thuchhuak anga ralatlante bio metric enrolment kalpui chu zawhfel tep a ni tawh tih a sawi a. A bikin village council tin leh hotel chu dan loa lut ralatlante dik taka lo chhinchhiah a, tumah lo humhim lo turin a chah tih a sawi. Ral-tlan enkawl leh dan loa lutte khuahkhirh chungchanga sawrkar hmalakna tawiawm tlat turin NGO, VC, kohhran leh mipui a sawm tih a sawi bawk.

Thuthkawmah hian dan loa lo lutte leh sumdawna kalpui thinte zawm tur SOP chhawpchhuah chu thlirho a ni a. Mawhphurhna nei - bawrhsap pisa, LADC, Superintendent of Police, village council, Central YLA leh YLA Branch, Assam Rifles leh NGO-ten hma an lak tawh chin an sawizau. Tun dinhmuna hmalakna chu tha tiin, hmalam hunah tha leh chak zawka thawhho chhunzawm zel nise, an ti.

**DIRECTORATE OF LABOUR EMPLOYMENT SKILL DEVELOPMENT AND ENTREPRENEURSHIP
GOVERNMENT OF MIZORAM**
A-28, Earth Day Road, MINECO, Khatla, Aizawl - 796001
*E-mail:directorledmz@gmail.com Website: www.lesde.mizoram.gov.in
Phone: 0389-2336344*

No.A.11019/2/2015-DTE(LE&IT)/Part/57 Aizawl, the 16th July, 2026

ONLINE ADMISSION FOR GOVT. INDUSTRIAL TRAINING INSTITUTE (ITI)

Labour, Employment, Skill Development & Entrepreneurship Department chuan **Govt. Industrial Training Institute (ITI) Aizawl, Lunglei leh Siaha** ah Session 2026-2027 leh Session 2026-2028 atan Trade hrang hrangah zirlai (trainees) a la leh dawn a, dil duh chuan online-in web address : <https://itimizoram.in> ah **24.07.2026** thlang form a fill up theih a ni. Hriatchian duh leh zawhfiah duh nei tan Govt. ITI, Aizawl, Lunglei, Siaha leh Directorate of LESDE, MINECO, Khatla-ah Office hun chhungin zawhfiah theih reng a ni.

Sd/-
(PINKY ZOSANGPUII)
Director,
Labour, Employment,
Skill Dev. & Entrepreneurship Deptt.
Mizoram, Aizawl

IPR No. 131
(3-1)

**MIZORAM STATE HEALTH SOCIETY
STATE PROGRAMME MANAGEMENT UNIT
OFFICE OF THE MISSION DIRECTOR
NATIONAL HEALTH MISSION
MIZORAM : AIZAWL**

No.D.21013/1/2026-NHM/MSHS/PRO/178 Dated Aizawl, the 14th July, 2026

SEALED TENDER NOTICE

Sealed Tenders are hereby invited as per the schedule annexed to this notice on behalf of the Chairman, Mizoram State Health Society from reputed and bonafide manufacturers or their authorized dealers, for **‘Open Tender for Supply of Medicines under NHM, Mizoram’** which will be received by the Mission Director, NHM, H & FW Department, Dinthar, Aizawl, Mizoram on or before **14th August, 2026** upto 12:00 Noon. Tenders are to be opened by the Technical Committee under the chairmanship of Mission Director, NHM, Mizoram, Aizawl or his authorized representatives at **1:00 PM** on the same day. The Tenderers or their representatives may also be present at the time of opening of the quotations, if they so desire.

Sd/-
(K. LALRINZUALI) IAS
Commissioner & Secretary
H & FW Dept.
&
Chairman
Mizoram State Health Society
Mizoram: Aizawl

(2-2)

PC Lawmkunga lehkhabu

Pu P.C. Lawmkunga lehkhabu ziah “SAPTAWNG ZIR DAN AWLSAM” tih leh “KA DAI VE CHIN” tih chu Lengchhawn Press, Khatla leh Pu P.C. Lawmkunga te In, Mission Vengthlangah lei tur a la awm e.



Ngenna tam mah se Wangchuk-a’n chaw nghei chhunzawm

Indian activist leh educationist, Sonam Wangchuk-a chuan tiam chin awm lova a chaw nghei titawp tura nawrna nasa tak tawng mah se tawpsan a la tum lo.

Kum 59 mi hi Zirtawp-ni thleng khan ni 20 chhung chaw a nghei tawh a, chi leh tui bak engmah ei lovin a rihna pawh kg kua a hloh tawh.

“Pawn lamah chak lo zel mah ila ka chhungrul erawh a chak em em a ni,” tiin Wangchuk-a hian lungawi loh a lantirna hmun, Delhi-a Jantar Mantar-a pung khawmte hmaah a sawi a. A thu sawi hi lawmtu leh kut beng thawm a ringu hle.

Activist hian online satirical movement pakhat, Cockroach Janta Party (CJP)-in India-a zirma siam that an tlangaupui chu a thlawp mek a ni.

Zirtawpni khan CJP hian X-ah Wangchuk-a’n mipui pung khawm hmaa thu chunga thu a sawi lai video tawi te an dah chhuak a ni.

Wangchuk-a hi a lan danah chuan a chak lo hle a, aurinna hmangin thu a sawi a, a aw pawh a thawp hle a ni.

Pungkhawmte chu Thawhtannia CJP-in kawng an zawhna tura tel vek turin a sawm baw.

“Kan zavaiin muanawm takin parliament panin kawng kan zawh ang a, mipui rorelna maichakah kan ngenna kan thlen dawn a ni,” a ti.

Activist hian fiamthu thawh zuiin, kawng zawh hmaa a lo thi hlaah a nih pawhin ‘ka thlarau talin a rawn zawm ang che u’ tiin a sawi.



Lungawi loh lantirtute chuan Union Education Minister Dharmendra Pradhan-a chu May thlaa doctor zir tuma admission hmu thei tur zawrna exam zawhna a put avang leh exam that a ngaih avangin bang turin an phut a. Minister hian a mawhah lain a ban ngei an duh a ni.

Pradhan-a CJP leh a thlawptute chu ‘thil kal pangngai tibuaitu B-team an ni’ tiin a sawi a. Prime Minister Narendra Modi-a kaihhruai sorkar chuan lungawi lohna lantirtute hi an la dawr lo baw.

Hetih lai hian eptute leh khawthlang huap pawlte chuan sorkar chu an duh anga che turin an phut na hle tawh.

Ningani khan Delhi chief minister hlui, Aam Aadmi Party (AAP) hruaitu, Arvind Kejriwal-a chuan Wangchuk-a hi a hmu.

CJP-in video an tihchhuahah chuan Kejriwal-a hian activist hi chibai a buk a, sorkar chu lungawi lote dawr turin a phut baw a. “Kum tin exam zawhna a put a, thalaite an tuar thin,” a ti a. “Sorkar hi zirilaite leh Wangchuk-a thu ngaihthlaksak turin ka ngen a ni,” a ti baw.

‘Pradhan-a chu a chan-

vo atanga paihin a aiah Wangchuk-a hi dah tur’ a ti baw.

Jammu & Kashmir chief minister, National Conference party hruaitu ni baw, Omar Abdullah-a pawhin ‘politic chuan hmun a nei a; mahse, mihring in-lainatna leh ngaihthiamna chuan hmun a chang ngei tur a ni’ tiin a sawi ve baw.

Kum 2011-a Anna Hazare-a’n Delhi-a chaw a nghei tum kha chuan khatih laia Congress kaihhruai United Progressive Alliance (UPA) khan a dawr turin minister-te a tir tih a sawi baw.

“Pu Wangchuk-a erawh dawr tuma chet chhuahna engmah a la awm lo,” tiin Abdullah chuan a sawi a, activist-in a thil phutte chu ‘dan ang taka tih theih’ a nih thu a sawi.

Ningani khan Delhi High Court chuan petition ngaihthuahn sorkar chu in-lawlha Wangchuck-a hriselna dinhmun pawh thlithlai turin a ti a, a tul a nih chuan enkawlna pawh pe turin a ti.

The Times of India chanchinbu chuan union health ministry-in sorkar damdawi in pathum chu ni tin a dinhmun wavi hnih endik turin a hriattir tawh tih a tar lang.

Indian Navy hnenah MH-60R Seahawk helicopter hlan

Ram venhimna kawnga India-US thawhhona kal zelah Indian Navy kutah MH-60R Seahawk naval helicopter hlan a ni leh ta.

US Ambassador to India Sergio Gora a chuan India-US thawhhona tan ‘chanchin thar phurhawm tak’ a nih thu sawiin hmanraw changkang hi Indo-Pacific tuipui himna atan a pawimawh tak zet dawn tih a sawi.

Lockheed Martin duan, MH-60R Seahawk hi kar hmasa khan Kochi-ah Indian Navy hnenah hlan niin tun kar tawpah hian helicopter pahnih dang pawh a thleng leh dawn tih India-a US embassy chuan Zirtawpni khan a sawi.

Kum 2020 khan India hian US chu MH-60R Seahawk helicopter 24 leisakna turin Foreign Military Sales (FMS) programme hnuaiah inremna a siampui a, Indian Navy-a helicopter fleet tih-changtlunna tura tih a ni.



Indian Navy chuan kawng chi hrang hranga hman theih helicopter hi March, 2024 khan INS Garuda, Kochi-ah a lo hman tan tawh.

December, 2025 khan India hian inremna dang siampui lehin hei hi hun rei tak thlenga enkawlna, hmun sang zawka hman theih tur leh kil hrang hrang a thlawh theihna tura puihna tur a ni.

Defence ministry chuan helicopter a dawnte enkawl zuina tur inremna bik atan hian Rs. vaibelche 7,995 hu inremna a siam niin a sawi a ni.

MH-60R Seahawk hi tuipua hman chi helicopter niin tuipua beihpui thlakna kawng hrang hranga che chhuak thei tura duan a ni.

Tuihnuaialawng beihna atan te, khawmual atanga

beihna lo dan let nan te, tui-pui thlithlai nan te, mi zawn leh chhanchhuah hna thawh nan te leh damdawi thila inthiar chhuah nan te a hman theih a. Lawng chi hrang - aircraft carrier, destroyer leh frigate-a phurh theih leh heng atanga awlsam taka thlawk chhuah thei a ni.

Indian Navy hian tuihnuaialawng awm hnai hmuh awlsam nan te, tuipua

hmun pawimawh vil nan te, lawng beitu lo dan nan leh Indian Ocean-a hlauhawm awm thei apiang lo do let nan te a hman thei ang.

Helicopter hi dipping sonar, sonobuoy, multi-mode radar, tuihnuaialawng beih nan Mk-54 lightweight torpedo leh tun lai thiamnaa thuam hmanraw hrang hrang keng tel a ni.

Khawmuala chet nan AGM-114 Hellfire missile, lightweight torpedo leh machine gun a keng thei a, sophisticated radar leh electro-optical targeting system nena thuam a ni baw.

‘Romeo’ tia an sawi thin MH-60R hi US Navy leh an thawhpui ram dang tam takin an hman a. Indona atan bakah thil tul thlithlai, mi puihna, mi zawn leh chhanchhuahna leh damdawi thila inphurh kualna atan an hman a. Tun lai khawvela naval helicopter daihzai ber pakhata ngaih a ni.

Hydrogen hman rel nei ram tlem zingah India tel thar

Indian Prime Minister Narendra Modi-a chuan Zirtawpni khan hydrogen chakna hman rel a tlangzarh ta a, boruak tibawlhlawh thei khu engmah pe chhuak lo rel nei thei ram tlem zingah a tel thar.

India hi hetiang rel tlantir thei ram - Germany, Japan, China leh US ang ram tlem zingah a tel ta a. Hetiang rel hian sa leh tuihi chauh a pe chhuak a, diesel hman lakah chuan khuael tan a him zawk em em a ni.

Modi-a’n a vai liam tak rel tharah hian pindan 10 awmin mi 2,600 an chu-ang thei a, hmar lama ram khawpui ber, Delhi nena inria awm, Haryana-ah

Jind leh Sonipat inkarah ni khatah wavi hnih a tlan thin dawn a ni.

Hydrogen rel thar, km 90-a thui tlan thin tur a vai liamnaah Modi-a hian India-in tha leh tlo, a chuan man pawh tlawm zawk tlanna tipung turin hma a la zel dawn tih a sawi.

“Project hi technology thiamna sang tak nen hydrogen dah khawl, thun khah leh a kalna kawng siam nena tangkawma kalpui a ni,” tiin vai liam hman sorkar thuchhuah chuan a tar lang.

Rel thar hi a duan, a siam leh a sak chu India-a tih vek niin darkar khatah km 75 thlenga chaka tlan thei tur niin 1,200-kilowatt



hydrogen fuel cell propulsion system hman a ni.

India hi khawvela rel kawng nei sei ber pakhat

niin km 70,000 vela thui a neih chu electric hmang turin a thlak kim tep tawh a, kum 2030-ah chuan boruak

tibawlhlawh thei ang chi khu engmah pe chhuak lo tur rel tlantir vek hman a tum a ni.

RAM PAWN

A zan ruk nan US-in Iran kap leh, Iran pawhin a chhang

US chuan a zawna zan ruk nan Iran a kap leh tih an sipaiten an sawi a, ram pahnihte hi Strait of Hormuz thununtu zawk nih inchuhin an inbei tawn zel.

US Central Command (Centcom) chuan ‘Iranian sipaite theihna tichhe turin’ an bei tih an sawi a, hemi hma hian Iranian lawng chawlhna an dah kal zelah lawng an tir bawk tih an sawi.

Sorkar chanchinbu chuan US hian lei, rel station leh thlawhna tumhmun telin civil mite hmun an bei tih an tar lang a. Hormozgan province-a Bandar Abbas khawthlang lama lei an kap video pawh a darh.

Iran-a Revolutionary Guards (IRGC) chuan chhian let nan Oman-a US maritime surveillance radar hmun bakah Kuwait leh Bahrain-a an hmunte an kap ve tih an sawi a. Syria-a US special operations command centre an bei bawk tih an sawi.

IRGC chuan Jordan nena an inrina bul lawk, Syria-a al-Tanf an beiht thut hi ni hnih kal taa Iranian sipai thah phuba lakna a nih thu an sawi a. Syria leh US chuan engmah an la sawi lo.



Kar kal ta Zirtawpni khan Jordan-a sipaite chuan Iranian missile pathum an kap thla a, thi leh hliam leh thil chhia a awm lo tih an lo sawi tawh.

Iraq-a Kurdish sipaite pawhin Erbil khawpuiah drone pariat an kap thla a, thi leh hliam an awm lo niin an sawi baw.

Inbeihna a kal mek lai hian Iran vaukama tui-kawng pawimawh, Strait of Hormuz chu Tehran chuan a la khar zui leh.

Hei vang hian tuialthei phurh chhuah a buai phah a, International Energy Agency chief Fatih Birol-a chuan khawvel pumah energy-ah harsatna a awm phah thei thi a sawi.

Zirtawpni khan Chinese leh Pakistani foreign minister-te chuan US leh Iran chu indo titawpa inbe turin an ngen.

US-in Ningani zana a beihnaah hian Qeshm thliarkar bul lek chhim lama nuclear power plant awmna, Bandar Abbas leh Bushehr te pawh a kap tel.

Centcom chuan lei an kap tel tih sawi lovin ‘Iranian sipaite hmun tam tak’ an kah thu chauh an sawi a. Jet, drone leh lawng hmangin ‘vaukam thlithlaina leh air defense hmun, sipaite bungraw chhekna leh tuipua chetna thil’ an kap tih chauh an sawi.

United Kingdom Maritime Trade Operations ch-

uan Ningani khan Oman-a Khasab khawchhak lam, vaukam atanga km 35 vela hlaah eng nge tih hriat lohvin tuialthei phur lawng a fuh tih a sawi a, a thawkte an him vek tih a sawi baw.

Kar tirah khan US President Donald Trump-a chuan Iran chu inbe tura a kir lo a nih chuan an lei leh power plant beihah a lo vau tawh a ni.

Iranian sorkar chanchinbu chuan Washington hian Iran chhimchhaka Iranshahr Airport, vaukama Bandar Khamir-a el station leh lei panga an kap bawk tih an tar lang.

Mi pasarih an thi niin sorkar news agency IRNA chuan a tar lang baw.

thlak’ a tih thu a sawi.

Sorkar chanchinbu chuan Prime Minister Sifi Ghrieb pawhin Algiers-a damdawi in pahniha hliam dahna hmunte a tlawh ngalh tih an tar lang a. Naupang khum bula a ding lai thalak pawh an tilang.

Eptute leh social media hmangtu tam tak chuan thuneitute chu he thil thleng hi sawi fiah turin an ti a. Jil Jadid party chuan langtlang taka chhui hna thawh an phut thu leh fimkhur lo leh himna dan zam zawm lo an awm chuan hrem ngei an phut thu an sawi.

Algiers-a hnuchham in kangah mi 11 thi

Algeria khawpui, Algiers-a hnuchham naupang enkawlina ina kangmei chhuakah mi 11 an thi.

Ningani zing dar 03:30 (India-a chawhna dar 10:00) vela kangmei chhuakah hian mi 19-in hliam an tuar bawk tih civil protection department chuan a sawi.

Darkar thum chuang zet thelh mih nan hun an hman a. Civil protection department thuchhuah chuan thi leh hliamte kum zat a tar lang lo va; mahse, Algerian president-in social media-ah thi zingah

naupang an tel tih a tar lang.

Thuneitute chuan kangmei chhuah chhan tak hi an la hre lo va. “Zing dar 03:00 velah kang thelhna a lo thleng ri kan hria a, naupang an te teng tung bawk a ni,” tiin a bul lawka cheng, Abdessalam Merah chuan AFP news agency a hrilh.

“Kan theih ang tawkin kan pui a; mahse, vanduaithlak takin mi 11 an thi hman ta tho a ni,” a ti.

Algiers dai, Mohammedia-a kangmei chhuahna hmunah hian fire engine 10

leh ambulance 16 tirh an ni.

Algeria-ah hian tun hnai ni eng emaw zat chhung khua a lum em em a, chawlhkar khat chhung lek-in kangmei 1,000 dawn a chhuak tawh tih AFP chuan a tar lang.

Ningani tuk hian civil protection department chuan darkar 24 liam ta chhungin ram kang 115 a awm tu a puang.

President Abdelmadjid Tebboune-a chuan hnuchham enkawlina hmuna thihna thleng pawh a tih thu leh a tawhpui thu a sawi a, thil thleng chu ‘lungchhiat-

Rohingya 500 chuang phur lawng pahnih chesual

UN agency-te chuan Myanmar vaukamah mi 500 chuang phur lawng pahnih an pil tih an sawi.

Ningania International Organization for Migration (IOM) leh UN refugee agency (UNHCR) te chuan an hriat chinah lawng pahnih hian June thla tawp lam khan Myanmar-a Rakhine State an chhuahsan a, a chuang tam ber hi Rohingya an ni tih an sawi.

Lawng pakhat, mi 250 chuang chuanna ni ngeia hriat chu an chhuah hnu lawkah biakpawh theih loh a ni a. A hnuhnung zawk hi mi 280 vel chuanna niin July 8 khan Myanmar-a Ayeyarwady vaukamah a pil niin an sawi.

“Thil thleng leh thi zat hi engmah chiang a la awm lo va, UNHCR leh IOM chuan nunna tam tak erawh hloh a ni thei thi chiang takin a hria a ni,” tiin thu an chhuah.

He thil thlen hma lawk hian Andaman Sea leh Bay of Bengal-ah mi 300 chuang thi leh chin hriat loh an awm bawk tih an sawi a. Heng mite hi Rohingya raltlan leh Bangladeshi an nih thu an sawi.

Rohingya-te hian a sang biin tun hnai kum eng emaw ti chhungin Myanmar leh Bangladesh-a raltlan awma an kar tawn reng a. Tun ang hun, fur ruah a tam lai hian a hlauhawm avangin lawnga zin erawh an pumpelh hram thin a. UNHCR leh IOM pawhin tun hnaia ruah sur nasa leh tui lian avangin a hlauhawm zual tih an sawi.

Ram mumal nei lo, Muslim Rohingya mak-taduai 1.2 chuangte hian Myanmar-a venhim hna thawktuten an chunga tharum an thawh nasat avanga tlanchhiaian Bangladesh-ah an awm a. Tun hnaiah US leh ram dangten an puihna



an tihtlem nasat avangin an awmnaa an thil dawn thin a tlem phah hle.

Kum 2017-a sipaiten Rohingya sang tam an thah hnuah him taka Myanmar-a kir leh thei dinhmunah an ding ri lo va, sipaite chetna hi ‘insuatna’ tiin an ngaihsak a. Tunah Myanmar-a Rohingya chengte chuan khuahkhirhna nasa tak an la tawh a, Rakhine-a hel pawlte pawhin an awmna ram chin thunun tumin sipaite an bei nasa hle baw.

An tawrhna avang hian

Rohingya tam tak chuan lawnglengin tuipui hlauhawm tak kana Malaysia lut an awm reng bawk a. Nausen, naupang leh nau pai lai telin mi sang tel an tlanchhiatna lamah an thi tawh.

IOM leh UNHCR chuan chhiatna thleng chu Rohingya-te ngaihsak a tulzia tilangtu a nih thu an sawi.

Kum 2025 khan Rohingya 6,500 an tlanchhia a, mi 900 dawn thi leh chin hriat loh an awm a, lawnga tlanchhiat tum Rohingya-te thih tam ber kum a ni.

Uganda-a bus chesualah sikul naupang 20 thi

Uganda khawchhak lama study trip phurtu bus chesualah zir lai naupang 20 vel leh puiling pakhat a thi tih tual chhung thuneituten an sawi a. Tun hnaia he rama kawngpua chetsualna thlenga naupang thi an tam berna pakhat a tling.

Ningani zana Kapchorwa-a chetsualna thlengah hian sikula thawkte telin mi eng emaw zatin hliam an tuar baw.

Tual chhung thuneituten an chhui chinah bus hi chetsualna thlen fona thin, Chekwatit Hill kawng ngil tha laia an tlan laiin a khawl a dik lo va, a khalhtuin a thunun zo lo zui niin an sawi.

“A khalhtu hian a thunun zo lo va, kawngpui-ah hian inpaith thalin kawng sura lung lian tak a tauh zui a, a let ta a ni,” tiin police-in an sawi.



Bus-ah hian Ndehehe-a King David Junior School naupange phurin zan dar 08:00 (India-a zan dar 10:30) velah Kawowo-a Chekwatit khaw bulah an che sual thi police hian an sawi.

“Vanduaithlak takin naupang 20 leh puiling pakhat, sikul dintu leh director ni baw, Pu Tadeo Ssekade-a a thi a ni,” tiin

tual chhung sorkara minister, Balaam Ateenyi Barugahara-a chuan X-ah a tar lang.

Social media-a video darhah chuan bus hi a chhe nasa hle a, tual chhung mit-en naupang inhliahte an pui leh bawihawm lai a lang. Zirilaite hi study tour-a chhuak, khualzin tamna, Sipi Falls an tlawh haw lam a ni.

Uganda-ah hian kum tin kawngpua chetsualna a thleng tam thin a, tlan chak, lirthei enkawl that loh leh kawng chhia chu a chhan lian niin traffic thuneituten an sawi.

Tun hnaiah bus chetsualna lian tak tak thlengin tun tuma mi pawh hi sikul naupang phurtu himna a that tawk lohzia lanna pakhata ngaih a ni.



Rev Dr Ramengliana

Keini ang football fan nia inchhiar ve ngam lote pawh hi World Cup Football kum 4 dana lo thleng ang te hi chuan min chawp phur hneh ve hle thin. Theih ang angin match-te pawh ka han en ve zak zak a, team thenkhat pawh kan tan ve hlur fo ta mai. Tan lam neih hi a changa min tihrehawmtu ni thin mah se football en tinuamtu a ni ve miau si. Hei hi hring-nun awmzia a ni.

Football fan ni chiah lo mah ila, Lionel Messi fan ka nihna erawh a rei ve tawh a. Zan khaw tairek thlengin club football en peih ve lo mah ila, Messi chanchin erawh chu ngaihnamw ka ti fal hle; social media lamah ka chhiar nasain ka ngaithla hnem ve hle. A chanchin hi tuiptitlak riau a nihna leh zir tur tam tak a lo awmzia te pawh a lang ve zel. World Cup final wavi 3-na a lo khelh dawn takah chuan Messi entawntlak ka tihna te han theh ve lawk ila.

1. A hmaa harsatna a hneh zel

Tunah hian Messi hi football superstar niin amah lawmin stadium ri hum hum thin mah se kawng awlsam leh nuam chu a zawh vek bik teuh lo. A pian tirh atang rengin infiammi ttha ‘athlete’ ropui tur angin a lang bik lo. Naupang sa pan leh chawrche tak a ni tih a thlalakah te pawh a lang reng. Football khel tura sa tha leh ngheet a nei lo. A tleirawl chhuah tirhin damdawi man tam tak tel lo chuan ft 5.7 tal pawh hi a thleng zo dawn lo a ni. Engtin nge sap palian ft 6 pel thuau t huau vek karah a chet that theih ang le?

Mi inggaitlawm leh thuhnairawhl tak a nih vang te hi nge ni ‘leadership’ nei lo tih te hi a hlawh nasa khawp mai. Maradona phei kha chuan “Inkhelhl hmaa wavi 20 lai zung hmang hian engtin nge team a hruai theih ang?” a ti hial a nih kha. Mi dang sawisel pawh a tawh

nasa tho. Mahse, wawiinah hi zawng, تومان chu chu an sawi tawh lo. Argentina team a control hnehzia, ama tana a team-mate ten engkim an huamzia thlengin mi sawi tui ber a ni ta a nih hi. ‘Leadership’ chungchang pawh hi amahah hian zir tham a ni.

A chang chuan mipui hi kan a thin a. Kan thil hriat leh tehfung hi a dik lo hma ve khawp mai. Messi meuh pawh Argentina ram hmangaih tawh lova puhna a nasa thin hle a nih kha. Club footballa tha em em si, ram tana inpekna thuk tawh lova hria an tam. An ramah phei chuan selna anka a ring fu a ni awm e. Khatih lai kha Spain vanglai a ni a, Spain tana khel thei reng khan Argentina tan chauh Spain a hnaw! tih kha an hre t ha duh lo va. Tunah erawh chuan Argentina fa chuam, International tournament zawng zawnga champion-pui tawhtu leh World Cup Final dang thlenpuita a ni ta der. Argentina leh football history-ah a hming a dai tawh dawn lo a ni.

2. A nun a chhuanawm thin

An nungchang tak tak anmahni bel bula hria kan nih loh avangin heti lam han sawi hi a inthlahrunthlak a. Milarte chanchin kan hriat chin (media image) ringawt atanga inggaihsam luat leh nunphung inteh hi chu a finthlak lem lo tih a lang reng mai. Amaherawhchu, loh theih loh chin a lo awm ve fo a. Messi chungchang pawh hian a ni tin nun tak tak va hre pha lo mah ila kan han hriat theih chin hi chu min tiharh sawng sawng tham a ni.

Mak ka tih chu, a football khelhpui tawhten an ngainain an ngaisang zel mai hi a ni. PSG-a a luh dawn khan Mbappe te khan a lo huphurh deuh a nih kha, mahse tunah chuan Messi thian leh a ngaisangtu a ni ta daih. Mi tam tak hi chu miin min hriat chian deuh hian min ngaihsanna a tla hniam thin a, Messi erawh chu a thawhpui apiangin an ngaisang tih

kum 20 vel chhung hian a lang a nih hi. Tun Argentina player-te phei chuan an ‘pathian’ biak lo chauh a nih hi le!

Heti taka a inggaitlawm thin hi a mak zawk. Insawi theihna chance a ngah tehreng nen hian tawngkam a chhep sual mawh ngawt mai. Thenkhatin, “Khawvelah ka thiam ber. Football player awm tawh zawng zawnga tha ber ka la ni,” an tih pup pup lai hian. “Ka thiam ber leh ber loh hi keia sawi tur a ni lo; Fans-te sawi tur a ni. Chu a chhapah, ka rilru luahtu a ni lem lo. A thiam ber thlan 5 zingah te kan tel te chuan a ropui ngawt alawm le,” a ti daih mai a nih kha.

Messi Kristian nun hi eng nge kan zu hre phak hauh lo. Amaherawhchu Pathian hming a lam tlat thin hi ropui tham a ni. US-a a khelh tirh laia sumdawng lian hovin an kawm tum khan, “Hetiang hlawhtlinna ka chan hi eng vang nge ka hre bik lo, ka talent hi Pathianin mi pek a ni e,” a ti hmiah mai. Keini ho tan chuan thu pangngai tak angin lang mah se, sapram mi hausa, Pathian pawimawhna pawh hre mumal tawh lote zinga Pathian ning leh a tel lova khawvel chen duh mi sang tam hmaa celeb lian tawh sawi tur chuan pui ve tak a ni.

Champ zo leh tak ang maw

Kum 2022 World Cup football an chak zawh chiah khan 2026 World Cup a khelh tur leh tur loh an zawt nghal a, ani pawh kan khel theia a awm a ring lo hle a nih kha. Kum 2026 a thlen meuh chuan rin bakin arawn che tha leh tlat. Kei ngei pawhin a chet that vak ka beisei pha tawh lo. Tun hma zawng aiin a che t ha emaw tih theih a ni hial mai hi a mak zawk. Pathian malsawmna dawng fachuam tak tak chu a lo ni e. Chu thu chu a fans-te leh amah ngei pawh hian theihng-hilh ngai suh se.

Ka tan lutuk avang emaw ni, ram tana an khelh hian chak zo tur angah ka ngai ngam lo thin a. 2014, 2022 te pawh

“NAKUM CHU JERUSALEM-AH AW”

Laiu Fachhai

Hmanlaia Juda-te kha Asuria, Babulon leh Grik empire-te rorelna hnuaiah an ram atangin ram dangah hruai boin an awm thin a. Chu dinhmun atang chuan “Nakum chu Jerusalem-ah aw” tih tawngkam hi a lo chhuak ta a ni. Sap t awng chuan “Next Year in Jerusalem” tih a ni a, Hebrai tawng chuan L’Shanah Haba’ah B’Yerushalayim tih a ni.

Ram danga awm Judami-te (Jewish Diaspora) chuan Kalhlên Kût leh Yom Kippur (Sual Ngaihdamna Ni) programme leh biak inkhawmta an hman zawhah, “Nakum chu Jerusalem-ah aw” (Nakum chu Kalhlên Kût leh Yom Kippur hi Jerusalem-ah i hmang tawh ang aw”) tiin an inthlah thin. Sam number 137-naa, “Babulon lui kamahte, chutah kan thu a, a ni, kan tap thin, Zion kan ngaihtuahin. ... Aw Jerusalem, ka theihngihl che chuan, ka kut ding lam hian a thil thiam hi theihng-hilh ve rawh se. Ka hriat reng loh che chuan, ka lei hi ka dangah bet tlat rawh se; ka himna ber aia Jerusalem ka duh zawk loh chuan,” tih kan hmuh ang hian, ram danga mikhuah leh sal anga awm Juda mite chuan Jerusalem an ngai hle thin.

Heta “Jerusalem” tih hi khawpui pakhat chauh sawina ni lovin, Israel ram, Israel hnam leh an sakhua pawh a entir tel a ni. Chuvangin, an mikhu-alna ram atanga an kir leh hunah chuan Jerusalem chu din thara awmin an ram pawh zalên tak leh muanawm leh himawm taka an awmna tur hunte an nghakhlel em em thin. Zofate phei chu lung leng hnam kan ni a, chuvangin khawvel hmun hrang hranga raltilana darh mek Myanmar lam kan unaute pawhin an khua leh ram an ngai ve hle thin ngei ang.

Wawiina khawvel hmun hrang hrang atanga Israel ramah pem lut

duhte leh pem tumtute erawh hi chu, Sam 137-naa Israelte kha an ni ve lo. Khang Israelte anga Jerusalem khua leh Israel ram nun tem loh leh tawnhriat lohte an ni hlawm. Chuvangin, Jerusalem an ngai em emna tur pawh a awm hran lo. Mahse, Judate leh Kristiante tan chuan kan Bible-a Jerusalem leh Israel chungchang inziakte avangin Jerusalem khua leh Israel ram hmuh chakna chu a awm ve thei. Chumi avang chuan khawvel ram hrang hranga Kristiante pawhin “Holy Land Tour”siamin Israel ram an tlawh thin a ni.

Chutih lain, tunlaia Manipur, Mizoram leh khawvel hmun dangte at anga Israel rama pem luh tumte erawh hi chu, hriat sual a nih loh chuan, ram hausa Israel khua leh tui nih duhna vang ni berin a lang. Entir nan, Israel chu ram rethei, Manipur leh Mizoram aia rethei zawk ni ta se, an pem duh kher ang em? tih hi zawhna awm thei chu a ni. Juda sakhua (Judaism) chu sakhua dik ber a ni tih an hriat leh an ring a nih erawh chuan, Israel ramah pem luh chu an duh thei tho baw. Chutih laini Juda sakhua avang chauh Israel ramah pem an duh a nih chuan, an awmna ramahte pawh Juda sakhua an zawm thei a, synagogue pawh an sa thei tho a ni.

India phei chu sakhaw zalenna ram a ni a, khawpui lian thenkhatah chuan synagogue-te a awm nual. Tunlai hian khawvel pum puia Juda-te zinga 54% vel chu Israel ram pawnah an awm a, 46% vel chauh Israel ram chhungah an awm a ni. A awmzia chu, khawvel hmun hrang hranga khawsa mek Juda-ten Israel ramah pem luh an tum vek lo tihna a ni. Chutih rual chuan, mi tinin duhthlan theihna zalenna an nei a, chuvangin Mizoram atanga Israel rama pem luh duhte pawh an mimal zalenna hmanga an duhthlanna chu puitling taka zahsak a pawimawh hle.

Israel ramah khuan sakhaw zalenna

a awm em tih tlemte han tuihnih ila. Juda sakhuana (Judaism) ni lo sakhua dangte tan zalên takin an sakhua an kalpui theih loh thu sawi a awm thin. A bik takin, Kristianten Israel ramah zalên takin Kristian sakhuana an kalpui thei em tih zawhna a awm thin a, ngaih dan leh hmuh dan a inang lo hlawm hle. American podcaster Tucker Carlson leh Palestinian kohhran hruaitute chuan Israel ramah Kristiante an zalên lohzia leh an sakhuana zalên taka an kalpui theih lohzia an sawi a, Kristiante’n harsatna leh khuahkhirhna hrang hrang an tawh thin thu pawh an sawi. Chutih laini, Israel ramah chuan Kristiante an zalên a, an sakhuana pawh zalên takin an kalpui thei tih sawitute pawh an awm ve. Israel sawrkar controlna hnuaia awm Israel proper, West Bank leh Gaza area-a awm Palestinian mite chungsa Israel sawrkar thiltih dân en chuan, mithiamte, politician-te leh mipui tam tak chuan Israel ramah khuan sakhua a zalên tak tak loh chauh ni lovin, Israel sawrkar chu democracy sawrkar dik tak a ni lo va, apartheid, ethnic cleansing leh genocide systemte kalpuitu sawrkar niin an puh a ni.

Chu lam chu thu hran ni se la, he article-in a sawi tum ber chu, hmanlaia Juda nia hriat loh mite’n tun hnai-ah Juda nihna an puang thar a, Israel ramah an pem luhna chungchang hi a ni. Judami nihna chu an thlahtute hming (genealogy) hmangin an chhui ber a. Eng emaw avanga thlahtute hming hre kim vek tawh lo te an awm chuan, DNA test pawh an hmang ve thin. Mahse, Judami nihna finfiahna ber atan DNA chauh an ring tlat lo. DNA hmanga an chhui dawn erawh chuan nu lam (maternal line) zuiin an chhui thin.

Manipur leh Mizoram atanga Manasea thlah bo nia inthalthe chanchin chu mithiamlan an ziaik tam tawh avangin sawi nawn ngai lovah dah ila. Chutih rual chuan, hriat chakawm zawhna

pahnih chu a awm: Manasea thleng an genealogy an chhui dan leh, DNA test an nei a nih chuan, a result chu eng ang nge tih hi a ni. A zau zawka sawi chuan, India hmarchhaka chi leh hnamte hi Sema thlah kan ni ve ang a. Chuvangin, DNA thuah chuan Japhetha thlah Khawthlang lam mite leh Hama thlah Africa mite ai chuan, Sema thlah ni ve Israelte nen a innhain zawk ngei ang.

He article ziaaktu hi South Africa-a Old Testament scholars conference pakhat ka tel ve laini, Hebrew biblical scholar Judami pakhat nen kan inkawm a. India hmarchhak lama Mizoram leh Manipur state-a awm thenkhatte chu Manasea thlah bo nia inthalin, Israel sawrkar pawhin a pawm a, Israel ramah an pemluh tir theih chungchangah a ngaihdan ka zawt a. Ani chuan awlsam takin, “Israel nih duh, Israel ram khua leh tui nih duh leh Juda sakhua zawm duh apiang chu kan pawm zel mai ang chu,” a ti a. Zawh belh tur a vang hle.

Ni e, ram hausa Israel khua leh tui nih chu awhawm tak a ni ve reng; USA, Australia, Canada leh Europe ramte khua leh tui nih an duh hlawm ang hian. Chuvangin “an ram” Israel rama pem lut thei tute pawh chu Zofa an nih tawh loh tur kan phal loh hle laini, hriatthiampui i tum ang u, Mizoram retheihna an pumpelth theih tawh dawn avangin. An tan chuan an “Nakum chu Jerusalem-ah aw” tih chu a takin a lo thleng ta a, i lawmpui ang u. Chutih rual chuan, Israel rama pem lut Ethiopia mihang Juda-te chu Israel-mi dik tak anga pawm harsa titu an awm thu leh thliarhranna, a bik takin inneihna chungchangah thliarhranna an tawrh thu sawi a awm fo a. Chu thu chu a dik a nih chuan, Mizoram leh Manipur at anga Israel rama pem tawhte pawhin chutiang tawnhriat chu an nei ve em tih hriat a chakawm hle.

A engaw pawh lo ni se, Kristiante tan erawh chuan hei hi kan hriat a

mahni ngeiin an surrender emaw, a tawp tawh emaw chuan ram pawn sum atanga siam an sum leh an property zawng zawng a enkawl thei ang a, a laksak thei ang a, a hralh thei baw. Dawn a ni.

Hemi chungchangah hian Catholic Bishops’ Conference of India (CBCI) chuan ‘hlauhawm leh manganthlak’ tiin a lo sawi tawh a, ram mipui te zalenna leh minority te tana zalennaah sorkar arawn inrawhl lutuk, an ti. FCRA expiry avanga sum leh property laksak theihna hi “Democracy kalh, Constitution kalh, leh natural justice kalh” an ti baw. Congress chuan “chhuhsak leh laksakna hna” tiin an sawi a. Sorkar lam chuan, ‘rilru dik lo pu, ram pawn sum hmanga sakhaw inleh luihrit tum leh sum hmang dik lote tan chauh a hlauhawm, a ti ve thung a ni.

Designated Authority thuneiha turah hian, thil dik lo tak awm thei ta chu, Renewal dilna hi a hlawhtlin leh hlawhtlin loh chu DA kutah hian a awm miau avangin, an duh duh an titawp hmak hmak thei dawn tihna a ni ber a. Renewal hnaw! a nih tawh chuan, pawl/kohhran property chu sorkar ta a ni tawh mai dawn a ni.

Eng pawh ni se, India rama Kristian-te tan chuan sakhaw zalenna rahbehnaa ngaih loh theih a ni awm lo ve. He Bill duhlohna leh dodalna thawm pawh hi kohhran mal emaw, pawl mal emaw, party mal emawa kalpui mai lova, inkaihkuah khawm chungsa thawm neih chu a ri a ring deuh ngeiin a rinawm.

khan ka ni vek. Tunah pawh hian ka hlauhthawwna hi a lian leh hle. Mahse, an ti keuh keuha an chungnung leh thin. Naktuk zanah pawh hian Messi ropuina hi khawvelin an puang leh chuah chuah

mahna le! Han champ leh khep mai se chuan amah ertu berte rilruah pawh piang tawh zawng zawng zinga footballer ropui ber a nihna hi sawi rual lovin a Chiang tawh dawn si a.

Final khel turin Yamal fit hman dawn em?!



Naktuk, Pathianni zan mai hi Fifa World Cup-a defending champion Argentina leh Europe champion Spain inhmachhawn hun a nih tawh laiin Spain inngahna player pawimawh pahnih Lamine Yamal leh Pedro Porro-te chu semi-final lama an intihnat avangin an dam Chiang lo a, nimin thleng khan training pawh squad pum-pui ruala ti loin a mala kalpui an ni.

A hrana an training kalpui hi workload management an ti a, game khel tam tuar loa an taksa lam tawrhna thleng thei laka invenna lam hawi niin, Yamal leh Porro-te hi squad ruala training session zawm thei lo dinhmunah ding rih mah se final khel thei lo tur khawp khawpa serious erawh an ni lo.

Porro hi footballer-te inhliamna common berte zinga mi chawn tha na (hamstring strain) ni tura ngaih niin, Yamal erawh semi-final match hautak an khel laia a intihsilawn kha a ni.

New Jersey khawpui lum hnawng

uap churh hnuaia inkhel tur an nih avangin team pahnihte hian lo insiamrem hlek an mamawh ve ve dawn a ni.

Spanish player pahnih dam Chiang zan lote hi Luis de la Fuente squad-in a huhua training session an kalpui laiin Red Bull New York training-na hmun-puia a hrang ve vea train an ni a; an dinhmun ngaichanga Spanish fans an thawk dep dep laiin Spanish football federation (RFEF) lam chuan Reuters hnenah an player pahnihte chu intihnat belh hlauhthawn thilah a hranga tihir an nih thu leh Pathiannia inkhel thei turin an beisei tih an hrilh.

Spain head coach De la Fuente chuan semi-final match hmasa zawka France an hneh tum khan Porro hian hliam a chhar tih sawiin, Reuters lam chuan full back hliam hi hamstring strain niin an hria a, serious lem lo tih tarlang telin, Yamal-a dinhmun chu hei ai hian a la tha zawk tih an tarlang tel.

De la Fuente chuan France match

an khel h ruala chanchinbumite a hmachhawn tumin a rawlthar duhawm Yamal chu Lucas Digne leh Theo Hernandez-te nena an intauh sutna lama pill deuh nian nuan, vung deuh bir ber a nih thu a lo sawi ve tawh bawh.

Euro champion Spain squad training session hi media lam tan minute 15 chhung lek chhim theih turin an hawng a; an training-na stadium chung boiruak lum zawng kha degrees Celsius 30 (86 degrees Fahrenheit) vel lai ni mah se player-te'n harsatna an tawh lem lo niin a lang.

Spain hian tun World Cup chhunga an outdoor match pahnihna tur atana insiamrem thei turin theihtawp an chhuah mek a ni.

White House thuchhuah chuan US President Donald Trump-a'n New Jersey khawpuia Argentina-Spain World Cup final hi a hmun hian New York khawpuia a chenna Trump Tower-ah Fifa reception a huaihawt tawh bawh.

England vs France ticket a la chuang teuh mai!

A inkhel tur-a-te football ram ropui ve ve mah ni se pathumna zawn inchuh zet chuan ram pahnih fans pawh chuti lutukin a hip lo a ni mai thei a, nimin thleng khan zanin Miami Stadium-a semi-final pal-tlang zo lo team pahnih England leh France-te'n World Cup pathumna nih an inchuh tur ticket chu sang tel teh meuh a la chuang!

Fifa ticket site hrang hrangah a hmuna bronze medal match enna tur ticket lei theih 7,000 zet a la chuang hnuk a; general sale lama tick-et la bang 1,246 awmte chu USD 865 (£657) leh USD 1,125 (£855) man-te a ni.

Ticket zawrhna hmun dang official re-sale platform-a lei theih ticket 5,864 dang la aw-

mte chu a tlawm ber chi (category three) niin, USD 455 (£346) plus Fifa 15% fee a ni.

He'gte bakah hian a man sang chi higher-priced category hrang hrangah pawh lei tur a la awm nual bawh.

A man to ber category one ticket man pang-ngai chu USD 1,125 (£855) niin an discount hnua USD 659 (£500) a ni thung.

Pathianni zan World Cup final pawh nimin tlai thleng kha chuan an la hralh zo thei bik lo a, general sale lamah ticket to ber chi 32 a la awm!

A to ber chite hi USD 29,995 (£22,796) at anga i32,970 (£25,057) man a ni hem mai a, hei hi standard ticket niin, VIP erawh a ni lo.

Tun dinhmunah US

Dollar khat leh Indian Rupee 96.28 intluka chhut niin, Pound sterling 1 leh Indian Rupee 129.44 intlukna ngaih a ni bawh a, he inthlauhna atang hian India paw-isa category one ticket pakhat man a chhutch-huah theih awm e.

Fifa resale site la-mah chuan final enna tur ticket-te hi sang chu-ang lei tur a la awm a; he'ng ticket man pang-ngai (original price) hi USD 7,380 (£5,609) a nih laiin i lei dawn tak tak chuan Fifa atangin extra USD 1,107 (£841) i chawi tel a ngai dawn!

Final enna atana ticket zawrhchhawn (re-sale ticke) man to ber chu US dollar maktad-uai 2 (£1.52m) bakah Fifa fee USD 300,000 (£228,000) chawi tel ngai a ni hem mai!

Champion kutah zungbunte chu buntir rawh u!

Fifa World Cup 2026 champion play-er-te chuan World Cup history-a la awm ngai lo hamthatna dang an dawn belh dawn a, champion zungbun 'bespoke championship ring' an tih chu an dawng theuh dawn.

He kalphung thar hi American sports zu-lzuia duanchhuah niin, NFL Super Bowl-a hnehtu team-te hnenah pawh pek an ni thin.

Tun zungbunah hian Fifa World Cup trophy bakah champion team chhutkai a ni ang.

Tun dinhmunah zungbun hi mi 2,026 daih siam niin, 30 chu winning team tana dahhran niin, a dang



1,996 chu khawvel puma fans vannei bike-tana zuah a ni thung.

Tarlan tawh thin angin, Pathianni zan dar 12:30 hian New York New Jersey Stadium-ah Spain leh Argentina-te'n champion nih an inchuh dawn a nih kha.

Final match khel

zawh lawmman sem inkhawmah champion team captain leh head coach chuan temporary championship ring an dawng phawt ang a, a hnua a tak tak (final version 30) chu World Cup trophy an lak hriatreng-na atan official-a pek leh an ni ang.

Chawrchhuahna hlamchhiah lo Yamal



Tunlai Spanish football-a mite tui-pui ber ni mek mihang rawlthar kum

19 mi Lamine Yamal hi Barcelona khawpui atanga hmar chhak lam km

30-a hla tuifinriat kam khaw lian ve tak Mataro khuaa working-class tam berna veng ropui lua bik lo Rocafonda atanga chawrchhuak niin, football icon Lionel Messi ngaisangtu a ni.

World Cup final hial a thlen hnua pawh Yamal-a hian a chawrchhuahna a theihngihl lo a, a nu leh pate zikch-huahna a zahpui lo a, a vengte pawh a hlawhtlin tawhna lawmpui ber ber-tute an ni mek.

Tun World Cup lai hian Lamine Yamal chuan a luhren (headband)-ah 'Rocafonda' tih a nemkai a, a ballboot-ah a nu leh pa chawrchhuahna ram flag ve ve chhukai bawkin, football chu chi (ra-cial) leh tlakna leilung tualzal nun (so-cial) insubuai loa rem taka inchuktuah-khawmna a nih thu a sawi.

He rawlthar hian a goal thun a

lawm tumin kut zaizira '304' ziah a ching bawh a, hei hi Rocafonda dak number (postal code) niin, a trademark '304' hand gesture hi a goal thun lawmna ngeth a ni zui ta a ni.

Spain rama piang ni mah se a pa Mounir Nasraoui hi Moroccan niin, a nu Sheila Ebana hi Equatorial Guinean a ni thung.

Spain forward pui ber rawn ni chho ta Yamal-te chhungkua hi kut hnathawk ve mai niin, hnam tin chi tin inchen-pawlhna veng piang leh seilian a ni a, World Cup final-a Lionel Messi leh Argentina vung mek tudai thei tura Spanish mipui vauchher ber a ni mek.

Barcelona forward Lamine Yamal leh Barca superstar ni thin Lionel Messi-te hian tunhma lamion thawn-thu sei lo tak an lo nei dun tawh a, tun

um khawvel inkhel lian bera an inep tur pawh hian ngaihven a hlawh phah zual awm e.

An veng cheng ve Senegalese rawlthar kum 18 mi Keba an tih chuan footballer pahnih inzawmna hre chungin, "An pahnih intawn hun herchhuak tur hi a awihawm loh hial zawk a ni," tiin a sawi.

A vanglai hun tha zawng zawng Nou Camp leh a chhehvela hman zo Messi leh nausen aia hram deuh tawh si, mihang naute duhawm turh mai Yamal-te chuan thla an lo la dun tawh a; chu thlalakah chuan Argentine rawlthar Messi chuan bualthlengah mihang naute Yamal chu a kuah a, he thlalak hi hetia Yamal a rawn lar chhoh hnu hian football khelmual pawn lama thlalak lar ber pawl a rawn ni chho zui ta nghe nghe a ni.

⚽ FOOTBALL TITI ⚽

⚽ Inter Milan chuan Tottenham leh England defender Djed Spence lak tumin hma an la a, Argentina centre-back Cristian Romero pawh an ngaihvel tel bawk. (Corriere dello Sport - in Italian)

⚽ Arsenal chuan Aston Villa leh England defender Ezri Konsa lak tumin an ngaihven. (Guardian)

⚽ Liverpool chuan kum 19 mi Bournemouth winger Rayan chu a pu hlui Andoni Iraola nen thawk dun leh tura an hnen pan turin an sawm. (Teamtalk)

⚽ Crystal Palace leh Argentina goalkeeper Walter Benitez chuan Nice a kir leh turin Palace-a a contract meih mek a titawp dawn. (Nice-Matin - in French)

⚽ Newcastle chuan Brighton goalkeeper Carl Rushworth leh Manchester City si nghak James Trafford te lak tumin an ngaihven a. Nipui bazar inhawn chhungin tu emaw zawk zawk hi lak ngei an tum dawn. (Mail - requires subscription)

⚽ Fulham chuan Coventry leh Chelsea ten lak tuma an ngaihven Strasbourg & Ivory Coast winger Martial Godo chu lak tumin an ngaihven thar ve leh. (Africafoot - in French)



⚽ Liverpool chuan Mainz atanga Japan midfielder Kaishu Sano lak tuma inelnaah hma an hruai a, kum 25 mi manah hian 60m euros (£50.9m) thleng sen an huam. Kum 25 mi Sano hi Arsenal, Tottenham leh Borussia Dortmund ten lak tumin an ngaihven bawk. (Teamtalk)

⚽ Crystal Palace chuan Augsburg defender Chrislain Matsima lak tumin an ngaihven a. Kum 24 mi hi an tlarhnung thuamchak tura centre-back

Dream final : Spain vs Argentina

World Cup 2026 chu a hmawrbawk a ni dawn ta a, Pathianni zan zan lai dar 12:30-ah khelth tan a ni dawn. Final hi MetLife Stadium, New Jersey khelth a ni dawn a, Spain leh Argentina te an inhmachhawn ang. FIFA ranking a No. 1 Argentina leh No. 2 Spain te an inhmachhawn dawn vangin ‘Final duhthusam’ (Dream final) tih a ni.

Final kalkawng
Champion lai Argentina hian Lionel Scaloni hnuaiah hma an sawn hlui a, inelna an hmachhawn tawh zawng zawngah an la champion vek. South America khawmual atanga World Cup khel tur zawnah pawh an champion leh a, CONMEBOL champion niin World Cup 2026 khel turin an tling.

World Cup 2026-ah Group J-ah an awm a, group match ah an khel tha hle. An khelth hmasak berah 3-0 ngawtin Algeria an sawp a, an goal thumte hi Lionel Messi thun vek a ni. An match hnihnaah 2-0 in Austria an hneh zui leh a, vawi hnih an khelth atangin group champion an ni Chiang nghal. Group champion an nih tawh vangin an B team ten Jordan an hmachhawn a, 3-1 in hnehna an chang zui leh.

Tha taka group stage an khar hnuin knockout stage-ah erawh inkhel harsa an hmachhawn vek a, hnehna an chang tawh zel. Cape Verde hneh turin extratime an mamawh a, 3-2 in an chak thei hram. Last 16-ah Egypt an hmachhawn zui leh a, 2-0 ngawta an hnufual hnuin harsa takin an thochhuak a, 3-2 a chak hramin quarter-final an lut. Quarter-final-ah Harsa takin Switzerland an hneh zui leh bawk. Semi-final-ah an hmelmalian England lakah si an phur hmasa zet a, inlethalna lian thlentir leh ta tho a, 2-1 a chakin final an lut. Final an luh thlengin an khingpuite lakah goal 20 an thun a, goal 7 an chhuah.

Euro 2024 champion Spain hi Europe atanga World Cup khe tur zawnnaah Group E-ah an awm a, vawi nga chakin, draw vawi khat an nei a, group champion ni chungin an tlang. World Cup 2026-ah Group H-ah an awm. An khelth hmasak berah bul an tan tha lova, World Cup-a hmeltar Cape Verde nen goal awm lovin an inhnehtawkingawt. Bul an tan that loh hnuin an insiamtha a, 4-0 ngawtin Saudi Arabia an sawp a, 1-0 in



Uruguay an hneh zui leh bawk. Group Stage-ah beisei angin khel tha viau lo mah se knockout round ah team tha an nihzia an lantir chho zel. Last 32-ah 3-0 in Austria an sawp a, last 16-ah team boruak nei lian leh champion tura rinkai ber Portugal chu 1-0 in an hneh zui leh bawk. Quarter-final-ah 2-1 a Belgium an hneh hnuin semi-final ah champion tura rinkai ber ni France an hmachhawn zui leh. France lakah an thatzia an lantir nawn leh a, 2-0 a hnehna changin final an inhlangkai.

Spain hian final an luh thlengin an khingpuite lakah goal 13 an thun a, goal khat chiaha an chhuah. Khelth 7 atanga clean sheet vawi ruk ngawt an neih tawh vangin an si nghak Unai Simon chuan Golden Glove a dawng dawn tih a Chiang der tawh bawk.

Head to head
Argentina leh Spain te hi football thiam ram, World Cup-ah pawh lo champion tawh ve ve an nih bakah an awmna khawmuala champion lai an ni ve ve bawk. South America champion Argentina leh Europe champion Spain te hi Finalissima a inhmachhawn tur an nih laiin thulh a ni. Inhmachhawn thei lo mah se World Cup final-ah an intawng tawn ta tho a, Finalissim a ni tel tho dawn. Fifa ranking a No 1 & 2 te inhmachhawn tur an nih vangin ngaihven an hlawh a, inkhel hmuhdawm tak a nih a rinawm.

Argentina leh Spain te hi inelna hrang hrangah vawi 14 an lo inhmachhawn tawh a, vawi ruk ve ve chakin chungnung zawk an awm lo rih

a, vawi hnih dang an inhnehtawking thung. Final-a chak zawk zawk hian an inkarah 7-6 in hma an hruai dawn. World Cup-ah hian vawi khat chiaha an la intum a, World Cup-a an intum awmchhun 1966-ah 2-1 in Argentina an chak.

Team inhrechiang
Argentina leh Spain te hi khawmual hran daiha awm ni bawk mah se La Liga-ah Argentina player an tam thin vangin team inhrechiang tak an ni. Argentina captain Lionel Messi hi Barcelona academy La Massia chhuak a ni a, Barcelona player ropui ber a ni zui ta bawk nen Spain player ten an hriat chian leh an ngaihsan em em, an Idol a ni.

Argentina team-ah hian La Liga a khel mek pasarih ngawt an awm a, La Liga a lo khel tawh thin an awm nual bawk. Lionel Messi ropuina hmun chu Barcelona a ni a, Barcelona player te Idol a la ni reng. Spain squad ah hian Barcelona player 8 leh La Massi chhuak pakhat an awm bawk. Barcelona player ten an Idol Messi an hmachhawn thei tur hi a phurawm viau dawn a, an tan chona lian tak a ni ngei dawn bawk. Kum 39 mi Lionel Messi leh kum 19 mi, ‘Messi malsawmna dawng’ an tih mai thin Lamine Yamal te inhmachhawn tur hi en a chakawm viau bawk.

A hmuhdawm dawn
Argentina leh Spain te hi player inhrechiang tak tak an nih bakah khelth dan phun inang, ball thiam rual leh pumrua pawh intiattawking tak mai an ni a. Final a an inhmachhawn tur hi a hmuhdawmin, a class a sang hle ngei ang.

Pele jersey an hralh Pa 3-na inchuh tur England leh France



Footballer ropui ‘King of Football’ an tih hial Pele-a’n World Cup 1958-a a hak Jersey chu lilam a nih hnuin US Dollar million 4.9 (£3.6m) in an hralh.

World Cup 1958 ah hian Pele hi kum 17 mi lek ni chungin a inlan a, final-ah Sweden an hmachhawn tumin goal hnih a thun nghe nghe a, tun thlengin World Cup final a goal thun thei naupang ber a la ni reng. World Cup-a a champion pui ngei Jersey hi tuna an hralh tak hi a ni.



Pele jersey lilam hi Sotheby ten New York khawpuia an buatsaih a ni a, lei tuma chhanna 10 zet an dawng. A chhang huai ber hnenah US Dollar million 4.9 (£3.6m) in hralh a ni a, leitu hming hi tarlan a ni lo.

Pele jersey hlu tak an hralh tak hi football jersey hralh to ber dawtu a ni a, an hralh to ber chu Maradona jetsey niin, World Cup 1986-ah Argentina leh England an inkhelth tuma a hak kha a ni a. Kha ‘Hand of God’ jersey ngei mai kha kum 2022 khan £7.1m zetin an hralh.

Ningani a Pele jersey an hralh tum hian World Cup 1986-a Maradona-a’n captain banhren a hren pawh kha hralh tel a ni a. Maradona ban hren hi Pound 380,000 zetin hralh a ni.

World Cup 2026 a pathumna ni tur chinfel a ni dawn a, France leh England te naktuk zing dar 2:30 khian Hard Rock Stadium-ah England leh France an inhmachhawn dawn. Third place play-off hian pawimawhna tak a nei a, Golden Boot dawng tur tihchianga inkhel ni thei dinhmunah a ding.

France an tawlhnnung zel
Didier Deschamps enkawl France hi World Cup-ah an khel tha thei viau. World Cup 2018-ah an champion a, kum 19 mi Kylian Mbappe chu rawlthar tha berah thlan a ni. WC 2022-ah final an lut zui leh a, World Cup final hmuhdawm bera ngaihah Argentina lakah vanduaian an champion zawn thei lo. Champion zo lo mah se Kylian Mbappe chuan goal 8 a thun a, Golden Boot a dawng. 2022-ah player tha tak tak nen an inlan a, semi-final a lut. World Cup-ah a zawnaw vawh thum semi-final lut thei pathumna an ni a, Brazil leh Germany hnung an zui. An khelth that chhoh em vangin champion turin rin an kai hle. Rinkai viau mah se Spain an khan lo ta viau thung a, final an lut zo lo. World Cup ngam viau mah se an hnungtawlh hret hret zel.

England an hmachhawn tur hi France head coach Didier Deschamps hun hnunnung a ni dawn a, World Cup zawh rualin a hna a bansan zui nghal dawn. France captain hlui leh coach ropui ni zui Deschamps thlah nan France hian England hneh an tum ngei ang.

England in chak an tum
World Cup 1966-ah an champion hnua final lut leh ta miah lo England in pathumna nih ngei an tum dawn. Third place play-off a an khingpui France an hneh a nih chuan kum 1966 hnu lama an thlen san ber tum a ni dawn. 1990 leh 2018-ah semi-final lut bawk mah se final an lut zo lova, pathumna an ni

phak lo ve ve bawk. Heti a nih vang hian France hneha pathumna nih hi an tan hmasawanna leh thil thlakhlelhawm a tling.

Head to head
England leh France te hi inelna hrang hrangah vawi 32 ngawt an inhmachhawn a, vawi 17 chakin England an chungnung zawk. France in vawi 10 hnehna an chan tawh laiin vawi 5 dang an inhnehtawking. World Cup-ah bik hian vawi 3 an inhmachhawn tawh a, England in vawi 2 hnehna changin France vawi khat an chak tawh bawk. 2022 quarter-final-ah an intum a, 2-1 in France an chak.

Golden Boot inchuhna



Final lut zo lo, pathumna inchuhna a nih vangin an that dan ang berin team hnihte an inlan ngai tawh chiaha lo thin a. An player that pawhin hah taka khelth ain awl an thlang zawk fova, player naupang leh hmun chang tlem zawkte hun an pe thin. England leh France inkhel tur erawh hi chu Golden Boot dawngtu tur tihchiang theitu tur inkhel a nih vangin France captain Kylian Mbappe a inlan ngei a rinawm thung.

Mbappe hian goal 8 thunin assist vawi hnih a nei a. Messi nen an goal thun zat a intluk mek. England lakah goal a thun a nih chuan a zawn Golden Boot dawwna hun remchang a nei. Messi lehpelth ngei tumin tan a khawng ang.

Realme Narzo 100X 5G India-ah tlangzarh

Realme Narzo 100X 5G chu India-ah an tlangzarh a, 4GB RAM + 128GB storage chu Rs 20,999 man niin, 6GB RAM-ah 128GB leh 256GB storage awmin, Rs 22,999 leh Rs 24,999 man te an ni ve thung. He smartphone hi general discount Rs 2,000 baka company lam hian Rs 500 coupon discount an pe bawk. July ni 22 at angin an hralh chhuak tan dawn a, Realme India website leh Amazon-ah a chah theih ang.

Realme Narzo 100X 5G hi dual-SIM niin, Android 16-based Realme UI 7.0 a hmag a, octa-core MediaTek Dimensity 6300 chipset leh ARM Mali-G57 MC2 GPU neini, thermal management atan 5300 sq mm AirFlow Vapour Cooling System a nei bawk.

6.8-inch HD+ (720x1570 pixels) LCD panel neini, 144Hz refresh rate, up to 180Hz touch sampling rate, 90.4 percent screen-to-body ratio, 1,200 nits High



Brightness Mode leh 254ppi pixel density a nei a, a display hi Panda-1681 glass a thuum a ni bawk.

A hnunga AI a thuum camera pahni- 50-megapixel primary camera (f/1.8 aperture, 75-degree field of view, 5P lens) leh 8-megapixel selfie camera a hmaah neini, AI Note Assistant, AI Eraser, AI-powered Portrait Lighting leh AI Pulse Light fea-

ture te a nei bawk.

Connectivity-ah chuan 5G, 4G LTE, Wi-Fi 5, Bluetooth 5.3, USB Type-C port, GPS, Bei-Dou, GLONASS, Galileo, QZSS, A-GNSS a support a, sensor hrang hrang a neih zingah accelerometer, ambient light sensor, electronic compass, leh proximity sensor awmin, a pangah fingerprint sensor a neih bakah face unlock a support bawk.

He smartphone hian ArmorShell Protection neini, MIL-STD-810H military-grade shock resistance test paltlang a nih avangin tih deuh sawk sawk pawh dawlzo viau tura ngaih a ni a, IP65 dust & water resistance rating a nei bawk. 8,000mAh battery neini, 45W SuperVOOC fast charging leh reverse charging a support a, a battery full-charge-in gaming time darkar 12 niin an chhal bawk. He smartphone hi 166.4 x 78.2 x 8.8 mm a lian, gram 224 a rit a ni.

Lionel Messi & Antonela Roccuzzo private love story



Argentina footballer Loinel Messi, kum 39, hian footballer dang zawng zawng ain World Cup-ah a pet goal hnem tawh zawk, khawvel footballer ropui an sawi api-anga hming dai tawh lo tur a ni chung hian a nupui Antonela Roccuzzo leh an fapa pathumte chu a nun a captain an ni ve thung.

Chutihlai tak chuan Argentine sports agent pakhatin mipa naupang kum 12 mi ball pet lama talent nei tha tak mai chu a lo hre fuh ta a, 2000 khan FC Barcelona-a han ‘try’ ve turin kawng a zawng sak ta hlauh. Tichuan European club lian chuan a inen- kawlna tur sum an tum sak thei dawn ta, 2001-ah Messi chu a nu leh pa leh a unau te nen Spain-ah an pem ta diah diah a, mahse, a nu Celia chuan a unau dangte chu Argentina-ah a let pui leh a, a pa Jorge, nen an inzui ta a, a pa chu a agent leh a t hiantha, a thu kal leh haw lam engkim hriatpuitu a ni ta a ni.

Messi chuan Barcelona youth academy La Masia-ah hmun a chang ta a, a debut season-ah a chetha nghal hle a, under-16 level-ah game 31-ah goal 38 a khung nghal pang. Chuta tang chuan Messi football zinkawng chu a kaw ta ruih mai a ni.

Messi chu a lungleng thin, an khua Rosario a ngai thin. Tichuan, 2005-ah thiante thihna avangin a haw a, chutah chuan kum 17 mi ve ve Antonela Roccuzzo nen an lo inhmel duh tan ta. 2009-a Catalan TV3-in an kawmnaah Messi chuan, “Ngaihawng ka nei alawm. Ani chu Argentina-ah a awm,” tiin confi takin a sawi thei tawh a, kar hla di mah ni se “Kan tha e, kan hahdam e,” a ti thei bawk.

Roccuzzo chu National University of Rosario atanga a graduate hnuah Barcelona-ah a pem ve ta a, chuta tang chuan vaviiin thlengin an la inthlah leh ta lo. Roccuzzo chu Messi hlawhtlinna phena hmeichhe pawimawh tak a ni zui ta a. 2019-a Marca-in an kawmnaah Messi chuan Roccuzzo chungchang sawiin, “Thatna kawng hrang hrang a ngah a. A nitin khawsak te, a personality te, engtik lai pawha a hlim reng thei te, harsatna hmachhawn dan a thiam zel mai te hi

a ngaihsanawm a ni. Nu hawi zau leh hringnun zingkawng zawhpui tura duhthusam a ni,” a ti.

June 2012 khan World Cup qualifier-ah Ecuador laka a goal khung lawm nan Messi chuan a kawr hnuaiah ball dahin a dul a tipuar a, khawvel hriatah an fa neih tur a puang ta. Tichuan, Thiago pian atanga thla hnihnaah El Periodico de Catalunya-in an kawmnaah Messi chuan fa neih chuan “thil zawng zawng a tidanglam,” tiin, “Tunhma chuan ka duh anga thil a thlen loh chuan ka lungawi lo a, tu thu mah ngaihthla duh lovin ka inla hrang thin.

Mahse, tunah chuan in ka’n thleng a, ka fapa ka hmu a, engkim a dik leh vek mai thin,” a ti.

Barcelona-a a khel lai chuan an chhungkuain Castelldefels-a private compound zau takah an khawsa a, gym, theater leh football field thlengin an nei. A hman remchan ni chuan a fate school kal tur a hruai a, a training zawhah inah a nupui kiangah a awm hahdam a, a fate school bang a hruai a, chhungkuain zanriah an kilho a, zan mengrei lovin an mu leh dial thin.

June ni 30, 2017-ah Rosario-ah ngei Messi leh Roccuzzo te chuan “Tiam tlat e,” an ti ta. An inneihna pawh a ropui e, Shakira leh chutihlaia a kawppui Gerard Pique te, Luis Suarez leh Neymar te pawh mo lawmnaah an tel. An khaw chanchinbu te chuan “wedding of the century” an ti hial a ni.

Barcelona-a a season 17 a khel hnuah Paris Saint-Germain-ah 2021 khan a kal ta a, an chhungkuain Neuilly-Sur-Seine-ah an pem a. Chutah, 2022 a rawn inherchhuak a, Messi tana kum pawimawh a ni, World Cup-a Argentina a champion pui kum kha. Kum 36 chhunga World Cup-a Argentina an champion lehna hmasa ber a ni.

The Athletic-in an kawmnaah Messi chuan a nupui Antonela leh a fapa Thiago te chuan national team game zawng zawng an hmaih lo a, an hmachhawn tur te, an game khel hun tur te nen lam an ngaihtuahpui a, “Zep lohah chuan ka nupui fanau ten min ngaihtuahpui lutuk khan pressure min siam nasa zawk,” tiin champion ngei duhna leh tumna a neih lentir lehzual niin a sawi.

An champion ta reng a. Antonela Roccuzzo chuan Messi-a’n World Cup trophy a fawp lai thlalak chu Instagram-ah post-in, “MY CHAMPION” tiin a caption-ah a dah.

Messi pawhin December 31, 2022 khan tihian social media-ah kum kharna thu a dah a, “Ka kum theihngihl tawh ngai loh tur chu a tawp dawn ta. Ka suangtuahna a taka chantir tuma ka beih thin chu a takin a thleng ta. Mahse, chhungkaw duhawm tak, anni aia tha zawk thlan tur awm tawh chuang lo te hi min lawmpuitu turin nei ta lo ila, a hlutna a awm leh miah si lo ang. Thiantha min support-tu, ka tluk chang pawha min kaitho leh thintu te nen hian,” a ti.

Tichuan, 2023 a rawn inherchhuak a, Messi chu David Beckham-a club Inter Miami lamah a insuan ve leh ta. Roccuzzo leh an fate nen Florida lamah an inpu lut leh ta a, America-ah bu thar khuarin, Fort Lauderdale-ah dollar maktadaui 10.75 man, 10,500 square feet a zau in lianah an khawsa leh ta. America-ah pawh a numpung a danglam chuang lo. OLGA host Migue Granados nen an inkawmnaah Messi chuan, “Chawhnu dar 1-ah training kan zo a, chuan, inah ka haw a, Antonela nen chawchhun kan fak a. Chumi hnyak ka mu chawl zuai a, TV leh movie-te kan en dun thin,” a ti. Hemi tum hian fa dang neih belh lam te pawh an sawi kai a, “A tum ngawr ngawr lam ni lovin, fanu te pawh kan nei ve tawh mah na, kan la hria ang chu,” a ti bawk.

Tichuan le, hei kum 2026 World Cup final-ah Argentina leh Spain an inhmachhawn dawn ta a, Messi hi a zawnnin World Cup champion a ni thei ang em? Lo thlir phawt mai ang le!

Royal Enfield Classic 350 assist & slipper clutch nei an tlangzarh



Royal Enfield chuan an motorcycle hralh kal berte zinga mi Classic 350 chu update pawimawh tak tak pahni neini an tlangzarh a, tunah chuan Classic 350 hi Assist & Slipper clutch a thuum a ni ta a, clutch a namin a deh vel a nuam zaih tawh dawn a, gear thlak vel pawh a upshift emaw down-

shift emaw pawh ni se a nal zaih tawh ang. Hei bakah hian USB C-type fast charging socket an dah thar a, a khalhtu ten an smartphone an charge pah nghal thei tawh dawn a ni. Heng update chi hnih te hi dual-channel ABS variant-ah awmin, showroom-ah Rs 1,95,000 man atanga int anin, Rs 2,24,275 man

thlengin a awm. Classic 350 hi single-channel ABS, Redditch Red chu showroom-ah Rs 1,87,500 man a ni ve thung a, hetah hi chuan update thar hi a awm ve lo.

A feature thar bakah Classic 350 hian update dang pawh a nei a, LED headlamp a neih pawh an rawn tichang-

lung lehzual a, a hma aiin a eng tha zawk niin an chal a, a clutch leh brake level adjust theih a ni bawk. A instrument panel pawh an update-ah gear position indicator a rawn nei thar a, LED turn indicator a lo nei sa tawh bawk.

A mechanical-ah chuan tihdanglam a awm lo va, 2026 Classic 350 ian 349 cc, J-series engine neini, 20.2 bhp @ 6,100 rpm leh 27Nm torque @ 4,000 rpm pechhuak thei a ni a, five speed gearbox a nei bawk.

A chassis leh cycle part pawh an tidanglam lo a, a kerb weight pawh 90% fuel leh oil nen kg 195 niin, a seat san zawng 805mm a ni a, a hmalama 41mm telescopic fork (130mm travel) a la nei a, a hnunga 6-step preload adjustable twin tube shocks (90mm travel) a nei bawk.

hlaah dingin, hnung zawngin basket-ah tak a vawm luh chat thei bawk a, hei pawh hi hnung zawnga basketball vawm lut hla thei ber record a ni bawk.

Hnung zawnga vawm lut hla thei ber record hi Harlem Globetrotters star Corey “Thunder” Law-a’n 2024 khan feet 87 leh inches 8 a hla atanga hnung zawnga vawm lutin record a siam a, he record hi Alie Wessam hian a rawn khum ta a ni.

Wessam chuan, “A nuam danglam khawp mai. Harlem Globetrotters hi naupan lai atanga hmuhnaawm ti taka ka thlir thin an ni a, an record zinga pakhat khumtu ka lo ni ve thei hi a nuam danglam hle mai a, hetiang thil hi a thleng ang tih pawh ka lo rinphak ngai loh a ni. An hlawhtlinna leh an sulhnu zawng zawng hi ropui ka tiin, zah phu an ni a, mahse, competitor ka nihna ang zawng chuan hmalam pan zel turin ka infuih a, an record dang pawh la khum thei turin tan ka la zel dawn a ni,” a ti.

Phuah Pawlh Feet 80 aia hla atanga basketball vawm lutin record siam



Egyptian basketball player, Egyptian National Team a tel chuan a thiam thil hmangin Guinness World Record a siam, basketball hook shot hla ber leh basket hnungchhawn zawnga basketball vawm lut hla

thei ber record a siam. Heng record pahni te hi ni khat thil thuaa a siam ve ve a ni lehnghal.

A hming chu Alie Wessam a ni a, tlangval kum 21 mi a ni, basketball khelha

ball vawm luh an tumna basket atanga feet 82 leh inces 10 a hla atangin a vawm lut nalh thei a, hook shot hla ber record a siam a, hei bakah hian basket hnungchhawn zawngin, basket atanga feet 90 leh inches 6 a